



UKA 2018/208
12. oktober 2018
Aqqaluk Heilmann

Inatsisartut aalajangiiffigisassaattut siunnersuut Namminersorlutik Oqartussat ilalissagaat Nunat Avannarliit isumaqatigiissutaat qaffasinnerusumik ilinniagaqarnissamut isersinnaaneq pillugu.

(Ilinniartitaanermut, Kultureqarnermut, Ilageeqarnermullu Naalakkersuisoq)

Atassummiit pingaartilluinnarparput inuiaqatigiit ilinniartitaanikkut pitsaasumik inissisimanissaat kiisalu imminut ikiorluarsinnaanissaat minnerunngitsumillu ilinniarsimasuussutsip iluani inuiaqatigiinnik kiffartuussisinnaanissaat.

Nunatsinnit pisariaqartitarput pineqarpoq isumaqatigiissut nunanik avannarlernik assigiimmik pisussaaffiliisoq, ilinniagaqartunut nunami avannarlerni allami najugalinnik ammaassisarnissamik, pisortat qaffasinnerusunik ilinniartitaaneritut tunngassuteqartoq Atassummiit taparserparput.